



## Pagannurotan Maipanggep ti Emergency Use Authorization ti Pfizer para kadagiti agtawen ti lima agingga't sangapulo ken maysa (5-11)

Idi Oktubre 29, 2021, naawat ti Pfizer ken BioNTech ti Emergency Use Authorization (EUA) nga naggapu ti Food and Drug Administration tapno ti bakunada para COVID-19 ket mabalinen nga ited kadagiti agtawen iti lima agingga't sangapulo ken maysa (5-11 year olds) ken pinasingkeda ti Director ti Centers for Disease Control daytoy nga usar na.

- Nupay nagun-od tayon daytoy importante nga addang iti trabaho para iti *vaccine equity*, duapulo ken lima nga porsiyento (25%) laeng kadagiti nagannak ti mayat a dagdagus nga mapabakunaan dagiti annakda. Idi Nobyembre 15, ad-adu ngem [3.64 milyones](#) nga ubbing nga agtawen iti nababbaba ngem dose anyos (12 years old) ti naikkanen ti maysa nga dosis ti bakuna para COVID19 (Naggapuan: CDC)
- Kalpasan ti naganetget nga panangeksamen ken panangamiris, pinalubosan ti FDA ti pannakausar ti bakuna ti Pfizer-BioNTech para kadagiti ubbing nga agtawen ti lima agingga't sangapulo ken maysa (5-11 years old) ken rekomendado met ti CDC daytoy. Segun iti nalapunos nga resulta ti suot, indeklara ti FDA ken CDC nga ti bakuna ket natalged ken epektibo,
- Ita, kalpasan ti ginasut nga milyones nga bakuna nga naiteden kadagiti nataengan ken tinedyer, naipakita nga ti bakuna ti Pfizer ket [awanan iti naunday nga epekto](#). Kas ammotayo epektibo ken saan nga delikado daytoy para kadagiti nataengan – ken agtaley tay met iti panangammo nga kasta met para kadagiti ubbing (Naggapuan: CDC)

### Dagiti Masansan nga Saludsod

- [Kasano ken sadinno tipapanak tapno mabakunaan ti anakko?](#)
  - Ti bakuna ket maala iti adu nga klinika ti doktor dagiti ubbing ken pamipamilya, lokal nga departamento ti salun-at, health centers iti komunidad, farmasya, health centers nga adda iti eskuelaan. Dagiti dadduma pay nga luglugar nga mabalin nga addaan ti bakuna ket dagiti Rural Health Clinics, Native Hawaiian Health Centers, ken Federally Qualified Health Centers. Adda met sumagmamano nga eskuelaan nga ma-addaan ti bakuna para kadagiti pamipamilya. Ikalikagummi iti panaganus ti am-amin nga aguray bayat ti panagisagana dagiti para ited ti bakuna ti sistema tapno makontrolada ti kaadu dagiti interesado nga tattao. Adsaludsod iti masansan nga pappapanam nga doktor, [Vaccines.gov](#), lokal nga departamento ti salun-at tapno maammuam ti mabalinmo nga papanan.
- [Ania ti nagdumaan ti bakuna para kadagiti ubbing ken ti bakuna nga para kadagiti nataengan?](#)
  - Ti bakuna nga maited kadagiti ubbing nga agtawen iti lima agingga't sangapulo-ket-maysa (5-11

years old) ket katlo laeng ti dosis ti bakuna nga maited kadagiti tinedyer ken nataengan. Napili daytoy nga dosis tapno mabalanse ti kinatalged ken epekto ti bakuna para iti naturalesa dagiti ubbing nga agtawen ti lima agingga't sangapulo-ken-maysa (5-11 years old). Saan nga napili daytoy nga dosis gapu iti kinadagsen ti ubbing, no ketdi batay iti tawen ti naturalesa dagiti ubbing. ([Naggapuan: CDC](#))

- **Apektaran kadi ti bakuna para COVID19 ti kabaelan ti anakko nga makaputot/makaanak?**
  - Saan. [Awan ti ebidensiya](#) nga ti problema iti panagputot/panaganak ket epekto ti uray aniaman nga bakuna agraman ti para COVID19. Napigsa ti panangkalikagum ti American College of Obstetrics and Gynecology ken ti American Society for Reproductive Medicine (fertility specialists) ti panagpabakuna dagiti tattao iti COVID19. ([Naggapuan: ACOG](#))
- **Mabalin kadi nga paggiddanen nga maited iti anakko ti bakuna ti COVID19 ken dagiti dadduma pay nga bakuna?**
  - Wen! Segun iti CDC ken American Academy of Pediatrics, dagiti kadawyan nga bakuna nga maipaay kadagiti ubbing ken bakuna para trangkaso ket saan nga delikado no maited kagiddan ti bakuna para COVID-19. ([Naggapuan: CDC](#))
- **Ania dagiti agbayag nga epekto ti bakuna kadagiti ubbing? Kasano nga masiguradomi nga saan nga delikado ti bakuna?**
  - Kas kadagiti dadduma nga bakuna, daytoy nga bakuna ket adda nabiiit nga epektona a kas koma iti gurigor ken panagsakit ti takiag. Awan pay ti nakita nga agbayag nga side-effects kalpasan ti nganngani makatawenen nga pannakaited ti bakuna iti ginasut nga milyones nga nataengan, ken nannamaenmi nga awan ti agbayag nga epekto kadagiti ub-ubbing malaksid iti pannakaprotektada laban iti COVID-19. ([Naggapuan: CDC](#))
- **Ad-adu/nadagdagsen kadi ti benepisyo ti pannakabakuna iti anakko ngem ti peggad nga ited daytoy?**
  - Wen. Irekomenda ti American Association of Pediatrics ti bakuna para kadagiti amin nga ubbing agtawen iti lima ken nangatngato pay nga awanan ti nakaro nga allergic reactions iti bakuna. Iti manmano nga kaso ti heart inflammation (myocarditis), naannad nga inadal ti maysa nga independent panel dagiti dodoktor ken siyentista dagiti estadistika ket immanamongda nga dagiti peggad maipapan iti bakuna iti COVID19 ket adayo nga nababbaba ngem ti peggad nga maakaran dagiti ubbing iti COVID19. Immanamong da pay nga ti sapasap ti peggad nga maakaran ti COVID19 ket nangatngato ngem ti mabalin nga epekto nga gappuanan iti bakuna. ([Naggapuan: CDC](#))

This publication was made possible by cooperative agreement CDC-RFA-IP21-2106 from the Centers for Disease Control and Prevention of the U.S. Department of Health and Human Services (HHS). Its contents are solely the responsibility of the authors and do not necessarily represent the official views of CDC/HHS.

Bisitaen ti [apiahf.org](#) ken [madetosave.org](#) para iti nawadwad nga pangalaan ti agduduma nga kasapulan ken impormasyon tapno maprotektaran dagiti ay-ayatem laban iti COVID-19.